

Gran batadú tl Museum Ladin Ciastel de Tor en domënia ai 29.10.2017 adöm ala Uniun di Stödafüch da San Martin. Dales 13.30 se incuntun tl museum por to sö les iscriziuns y fá la estraziun di grups. Les iscriziuns vëgn ince tutes sö danfora al nr. 339/7685970 vigni domisdé. Le batadú mët man dales 14.00.

Teater: „Voll des Lobis! 50 Jahre Selbstüberschätzung“ de y cun Lukas Lobis y rejia de Gabi Rothmüller. „Aterteater“ inviëia düc canc en vëndres ai 27 de otober 2017 dales 20.00 tl salf Domëne Moling da La Val a gní a ciaré le cabaret. Informaziuns y prenotaziuns: aterteater – 3396288847.


Sprizes contra les coies: le dotur Di Marino lascia alsavëi che dai 23.10.2017 inant vëgnel fat te ambulatore a Badia les sprizes contra les coies. Chi che vëgn a les lascé fá mëss tigní ite chisc orars: lünesc, mercui y jöbia dagnara dales 08 ales 09.

Curs de ingleje: le KVV de Badia organisëia danü n curs de ingleje de nivel „Intermediate with conversation“ che mët man ai 7 de novëmber por 10 sëres te biblioteca a Pedraces. Informaziuns al nr. 333/1591599 (Cristina).

Domënia dles Misciuns



bleibt keine Hand
mehr leer.



Plata dla Ploania

Badia

San Iaco - San Linert

Ploan: Siur Iaco Wendelin Willeit
Colonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz


UNITÉ PASTORALA



www.unitepastorala.org

Ann „A“ 22.10. - 29.10.2017 29^a Domënia dl ann n. 48

Festa di iubilars de matrimone



Le matrimone é n punt
che mëss gní fat sö
vigni de danü,
da entrames les perts.

Vangele dla proscima domënia - 30^a dl Ann „A“

Mt. 22, 34-40

Te chël tëmp, canche i farisës â aldí, che Gejü â metü a scuté i saduzés, s'ái abiné adöm pro d'ël. Un de d'ëi, n studié dla lege, orò le mète ala proa y l'á damané:
Maester, ci comandamënt tla lege é pa le plü important?
Al ti á respognü: Te desses ti orëi bun al Signur, to Dî, cun döt le cör, cun dōta l'anima y cun düc tū pinsiers. Chësc é le plü important y le pröm comandamënt.
Important anfat é le secundo: Te desses ti orëi bun a to proscim sciöche a te instës.
Da chisc dui comandamënc depënn dōta la lege y i profec.

FUNZIUNS SACRES

22.10. **29^a DOMÈNIA dl ANN A - Domènia dles Misciuns**

Festa di iubilars de matrimone

- 10.00 Mëssa por la Comunità
15.00 Ora de adoraziun • *oferta por les misciuns* •
18.00 †ti Vijo y Zisca Canins
†tes Gusta y Agnes Pescollderungg
por fam. Pia Pizzinini

24.10. Mertesc

19.30 *Liturgia dla Parora*

25.10. Mercui - *Mëssa cun i scolars dla elementara*

- 07.30 †tes Zenzl, Hedwig y Angela Costa
†ti Paul y Tarina Irsara
†ta Irmgard Schwindsackl dl Hotel Valparola

26.10. Jöbia - *Mëssa cun i studënc dla mesana y scores altes*

- 19.30 †to Giovanni Dapunt - aniversar
†ta Nane Granruaz Pitscheider
por fam. Iaco y Giuvana Clement en reingraz.

27.10. Vëndres

- 07.30 †to Antonio Palumbo
†ti Carlo y Marcella Pallestroingg - aniversar
por les animes dl purgatore

28.10. Sabeda - S. Scimun y S. Iüda

- 16.00 Mëssa a Oies

29.10. **30^a DOMÈNIA dl ANN A**


- 10.00 Mëssa por la Comunità
18.00 †ti Clara y Pire Pescoller - aniversar
†to Friedl Valentin - aniversar
†to Paul Frenademetz

• *mët man l'ora da d'invern* •

Dala VITA dla CÜRA

Vijita Pastorala dl Vësko

En sabeda, ai 28 de otober sarál le Vësko te Ciasa de Palsa a S. Martin de Tor. Düc é inviá a tó pert ala Funziun Sacrala dales 15:00 y dedô ala incuntada.



En sabeda, ai 21 de otober 2017 se á uní tl Sacramënt dl MATRIMONE Lois Craffonara cun Veronika Pedevilla. La Comunità de Badia ti aoda tröpa ligrëza y benedisciun de Dî sön so tru deboriada.

Le grup « **Umes präia deboriada** » se abina en mercui, ai 25 de otober dales 20:00 te calonia por n'ora de oraziun. Düc é inviá.

Legio Mariae: chësc grup se abina en jöbia, ai 26 de otober dales 14:00 te dljia por perié. Toleda pert.

Le « **Diözesaninstitut für den Unterhalt des Klerus (DJUK)** » präia ince chësc ann do n contribut por mantegní nösc proi. Vigni spenöra, ince la plö picera, é de aiüt y pó gní trata jö dal davëgn sotmetü ala cuta. Informaziuns ciafëise al nr. 0471/306300 o ti jorantins jodapé de dljia.



En vëndres, ai 27.10.17 complësc **Franz Pedratscher** da Pedraces **91** agn y en domènia, ai 29.10.2017 **Carlo Irsara** de Damez **88** agn. Le Senioreclub y düta la Comunità ti aoda düt le bun, sanité y benedisciun de Dî.

Invit al concert: "Requiem ladin" (test de *Siur Iaco Ploner* y composiziun de *Franz Comploi*) da pert dl Cor de Dljia da La Val en domènia ai 29 de otober dales 18.00 tla dijia da La Val.